

Ul mister dula Baina

9

L'eva la Baina na dona regia, alta cunt un sguard fier,
ma in ogni so ruga pareva ca la nascundess un grand mister.
La steva in un abain quasi sota al campanil
e la godeva ul prim cant di cundin in april;
in sull scoss dula finestra la teneva un giovan stremizzi
a ricord forse d'un amore od d'un sentiment lontan ma mai passii;
e quand ul sù ca tramuntava la salutava cui ragg da curall
a l'illuminava ul tegui e la rispustava al prim ball a la lus da cristall.
Ma cuma rivava la nott che cui dit ogni roba da negar la tingeva
a di scuffett da pizz forse, ... a la pensava e la fiangeva.
La viveva da carità, ma i miser bucin ca la ciapava,
par abitudin, in regai da perli e brillant la trasformava.
La incedeva lontanment, vestiva da strasc, ma cunt ~~un~~ eleganza
cume se in un riceviment la sfugiass un vesti d' eleganza;
e quand la parlava cunt cipilli e acent furbii
ta pareva da ves in un salott e par daplè servii.

Chi l'eva mai chela dona insci stravagante
ca viveva al me paes in di ann cinghanta?
Mi, cunt chela scivra, par vergogna, parlavi miq
ma lee, la ma guardava cunt simpatia
par via d'un quacoss che in cor gelosamente la conservava
forse un fiurin biund ... cumé mi che ..., chissà, ... al ma sumeava;
e propri un di, che ~~in~~ dula so via s'evi passaa
chela fora regia, timidament, la m'aveva carezzaa.

E par la Baina ca la diseva propri d'avec nisun,
~~quand~~ ^{quand} ca passa fra i tumb, ... sota al pin ... la' ... in un cantin
forse perché anca lee l'eva staa na mama, ----- ul Signor
dota al so nom al ga fa nass sempre un fiur -

Marco Campiglio

dopo la festa dell'Assunta